

# KANTIK

EN HENOR

## AN ITRON SANTEZ ANNA

---

*Diskan :*

Santez Anna, hor Patronez,  
Hor sikouret en danjer,  
Ha bezit hon alvocadoz  
Dirag Jezuz, hor Zalver.

Saludomp gant devosion  
An Itron Santez Anna;  
Leveromp dezi a galon  
En he chapelic ama :

Santez Anna, mam ar Verc'hez,  
A dra zur zo galloudus;  
He merc'h en env zo rouanez,  
Gwir mam d'hor Salver Jesus.

Pep-unan da Santez Anna,  
Gant fizians en he boaniou  
A velomp oc'h en em voestla  
Hac o vont d'he chapeliou.

Ar vam evit he bugelic,  
D'ann Itron Santez Anna  
A ra bemdez eur bedennic  
Hag a zesk deza kana :

Ar zoudard o vont d'an arme  
D'an Itron Santez Anna  
En em erbedo, a neuze  
A guerzo en eur gana :

Ma teu an tourmant da c'houeza,  
Ar martolod a bedo  
He Batronez Santez Anna,  
Ha dizoursi a gano :

Al labourer var he dachen,  
Evit en em ziscuiza,  
Dioc'h he dal a sec'h ar c'houezen  
Hag en em ro da gana :

Ar pastor e bar ar menez,  
He zenved en dro deza,  
Lies a veac'h d'he Batronez  
Oc'h euz clewet o cana :

O vont d'ar mintin d'he zervez,  
Ar micherour a bedo  
Santez Anna, he Batronez,  
Ha gant fizianz a gano :

E pep korn euz a Breiz-Izel,  
Ann Itron Santez Anna  
E deus eun ilis, eur chapel ;  
D'eomp-oll di da bardouna.

Evel hon tud coz, Bretonnet,  
Henoromp Santez Anna,  
P'ez omp klan, p'ez omp ankeniet,  
Ne skuizomp ket o cana :